

Tibilii hu nɔrɔrɔ dɩ fɛv rà

Dɩ ther jɔɔrpar sɩ sɩ tu a jɩ dɩ do samɩnɩ kɛ cotoo sunɔ na fɛv caar rà hananɩ, nà ɛɛ punu kɛ makhanɩ, a doni thɩn pemnania?, n gbɛwa a do cɩr sɩ deeduur à n ha le baan?. Ɛr n gbɛwa a do cɩr sɩ dɩkhan wo cɔɔpa sar nà haar?yii ha kɛ dɩ kɛɛ bunɔ,

Dɩ ther jɔɔrpar sɩ sɩ tu a jɩ, mɔ wa turoni sɩ a guura Tibilii hu kaanke a hananɩ huɔa?, dɩ dor nɔɔ, sɩ ado teehuu kpɩɛr jɩna kpooɩ kɛ wɔ n kpoo wɔrɩ, dɩ n jama. Sɩ dɩkhan wo thɩn kontinn kɛ hanɩ tɩbilii kpɩɛr rà, a tini gbelengbelen nɩna, dɔ dɩ kɛ wa thɩnɩ a do kaanke teehuu sunɔ na ná phɩrɩ nɔɔa?; sɩ wɔ hana tuur, wɔ ?li taarɩ, maar kɛ n kɔ yenɩ cillo nà bɔkɔ kontinn ɩn tɔ dɩ hɔnɔ yer.

Dɩ ther jɔɔrpar sɩ sɩ tu a jɩ dɩ firre, Tibilii hu ra ɩn ?li cɛɛrɩ dɩ the jɔfa sar rà, dɩ ha mɛ thɩɛn ná fir wɔ, a kpɩɛr a thɔnɔ sɩ a ɩr a jamano pesidan puu sunɔ kɛ n kɔɔrɩ tɩbɩla nà ɛ n huɔl yernɩ dɩ n ha na nɩ ye kora?.

Dɩ ther jɔɔrpar sɩ sɩ tu a jɩ dɩ firre dɩ dɩ sunɔ ná ?li bulli dɩ nawɛ ná khɔn ɛɛ thɩnthɩnn,

Dɩ ther jɔɔrpar sɩ sɩ tu a jɩ dɩ do le jɔfa Sebe bunɔ na, dɩ sunɔ kɛ kpanɩ gbɛv, ɛɛ too sunɔ burre nɩna gbelengbelen ɛɛ tuur kɛ wɔ hananɩ Tibilii tɔntɔn pununi na, samɩnɩ na nà teehuu dɩfɩ rà, na mɔ kɛ kɔna nà khɛra makhanɩ jɔfa ɩrɩ rà. Sɩ dɩkhan wo, wɔ turi khor sɩ wɔ faa huɔ tɩbɩla fɛv ɩn gal ?yekulɔɔ, sɩ wɔ thɩnn jɔfa kɛ ná cɔɔm dɩ deeduur ná ha fɩv nakea?,

Dɩ ther jɔɔrpar sɩ sɩ tu a jɩ sɩ dɩ sunɔ na gbɛvɩkha turina ɩlferɩ wɔ bulkha nà Dɩ sunɔ kɛ ra gbɛvɩ Gbulun,waan jɔɔr mɔ dɩ sunɔ fɛv, par rà fɛv, ná funɩ sɩ wɔ gbarɔ yɔv Tibilii hu nà ɛ tɛɛna yenɩ dɩ wa sɔl na cɔv dɩ deeduur ná ha baan?,

Dɩ ther jɔɔrpar sɩ gbɛvkhadara ra tu a jɩ sɩ guurkha jɔfa sunɔ le rà ra na mɔ deeduur a hanɩ baan?, dɔvnn thɩn kontinn karonɩ ɛ fɛv rà , wa gbani wɔ cɔvna ɩrɛ hanɩ ɛɛ kpɩɛr rà, wɔ turonina ɩlferɩ,

Jɔɔrpar sunɔ kɛ rà ra dɩ the sɩ gbɛvkhadara ra gba thɩn Nɩrɔrɩ kɛ doni Tibilii hu, theni Dɩ sunɔ kɛ rà kpanɩ gbɛvɔ kpɩɛr rà, a nɩna dɩ sɔl dɩ do thɩɛn kɛ dɩtoona nà dɩ sunɔ na fɛv n bulni dɩ waan ?yaal. A dɩ ha mɛ tɩbɩla fɛv nà gbɩluni sunɔ na fɛv kɩɛr dɩthɩ rà naa kpɩɛra bɔɔ fɛv Nɩrɔrɩ le ra, wɔ fir ɛɛ bara sɩ waan dɩr tɩbɩla, waan dɩra bɩsana wɔ punu wɔ khɔn jɔfa le raa dɩfɩ rà sɩ wɔ jɩ deeduur caar ra fɛv pɩrɛ. Dɩ mɛ na, gbe gbe, wɔ gba filwe, dapa kɛ wɔ hanɩ nà kaanke ɛɛ punu khuni, wɔ cɔv mɔ wa cɔvɩ sɩ tɩbɩla sunɔ kɛ hanɩ le dɩ sunɔ kɛ rà ra kpanɩ gbɛvɔ thɩnthɩnn, wɔ turo sɩ wɔ cɔv par rà fɛv mɔ dɩ sonina sunbɔr.

Varpar 1

Teehuu sunɔ n ther ɛɛ nɩ bunɔ wa n do deea? sɩ wɔ n makha samɩnɩ na nà hu tɩnɛpar rà. Thangba ti yer à pɛ yer jɩr nà filwe sɩ a teena waan fokha omkhaa.

Varpar 2

Tɩbɩla fɛv punune wɔ so jɔfa ra fɛv na mɔ deeduur a hanɩ baan?, soni kɩɛr Nɩrɔrɩ kɛ rà, ɛr dɩ tɩ. Sɩ lee kpini náa harɔ nake dɩ do, caar, teebirduur yaa dabuloduur, kuunduur yaa kherduur, ca thɩmɩr, ɩ hukpapa, mɔ ɩntɛ ɩn kpɩɛrɩ dɩ n gbɛsɩnɛ hana yaa ɩntɛ kpɩɛr ha nà haanɩ da, dɩda dɔvɩn ɩntɛ doni yaa ɛ n cɔvɩn ɩntɛɛ dɔɔ, ler, konpar yaa thɩn ca dɩkha, dɔvnn nɔɔa?.

Dɩ nake wo, leeri náa ha le sɩ a ha fɩv nakea? dɩ do ɩntɛɛ dɩ yaa ɔɔ bān gbɛɛnsɩ, sarwe tipar, ɛ a doni kaanke a n kanɩ, dɔ nɔɔa?; a do nake dɩ le ra yaa bāānn le ra a hana ɔɔ thethɛɛ punua? yoo, aa ha dɩ nyɔkɔɔ, aà hana huɔ a cɔv thɩɛan? yaa wɔ pɩɛr wɔr thɩn dɩkha rà dɩ aà hana pununi caan?, da do nɔɔ dɩ leeri ná haa?.

Varpar 3

Tibil woo tibil tɛɛnane yiri, a tɛɛnane a ná do deea? sɩ aà tɛɛna wɔ fɔv pɛɛ ra pɛɛ wɔ khaann kaso rà sɩ do wa kɔɔ kul ?yɩɛ guur ɔɔ soa?.

Varpar 4

Tibil a tɛɛna wɔ tuu deeduur rà yaa waan huɔl wɔra?; deeduur ra nà deether ra náa ?la ha le baan? sɩ do gbe yɩ nakea?.

Varpar 5

Tibil a tɛɛna wɔ dɔɔyaaa? yaa wɔ pɩɛ pebaan yaa wɔ cɔv wɔ cɔv ca dɩkha kɛ puuronɩ, a tɛɛnanɩ dɩ cɔv tibil làa? yaa dɩ phiia?.

Varpar 6

Tɩbɩla fɛv tɛɛnanɩ par fɛv kɛ wɔ hanɩ tɩbɩla n hana tuur ɛɛ jɔfa rà.

Varpar 7

Tɩbɩla la fɛv makhar jɔfɩ raa ?yekulɔɔ, sɩ a hana huɔ jɔfɩ ra n cɛɛ ye cɛɛ bɩɛl sɩ a ná pɛrrɛ pɛlɛ Tɩbɩla fɛv hanane huɔ dɩ wa cɛɛ ye cɛɛ bɩɛl thɩn caar fɛv kɛ rà n pɛ yernɩ leeri nà cɔɔpa caar fɛv kɛ pununi dɩ ɩna yer leeri, sɩ dɩ n

dí Nírórí kẹ̀ rà.

#### Varpar 8

Tibil woo tibil hanane hùò vùùn a so soguurpar kẹ̀ rà, le dı̀ rà, jı̀r, ı̀nı a tu thın puu kẹ̀ wù cùù nẹ̀rı a dı̀na cẹ̀cẹ jofa rà sı a faana dı̀ raa hù kẹ a ha nı́nıa? yaa cẹ̀rı kẹ̀ jofı ra n cẹ̀ nẹ̀r nı́a?

#### Varpar 9

Tibil ná punu wù fùù yaa wù khaann wù kaso rà yaa wù welen wù nà fanga wù faa dı̀ banwò da?buul làa?

#### Varpar 10

Tibil woo tibil hanane hùò ʔbilami a makha nà ɛ, dı̀ wa guur ɔ̀ so tı̀bı̀ fẹ̀ùù ʔyekùlùò, soguurpar rà kẹ hananı dapunu, à n kunkuunia?. ra ná nẹ̀ wòr ɔ̀ jofa nà ɛ tẹ̀enanı dı̀ ná cùù, sı a ná suu, hùò kẹ dı̀ kpanı sı dı̀ waan guur wù sor, wù fùù wù khaann.

#### Varpar 11

Tibil woo tibil kẹ wù n baalónı dı̀ n ho ɔ̀r cùù thın puu, àà do sopucùurdaar ɖı́a? foo wù guur ɔ̀ so tı̀bı̀la fẹ̀ùù ʔyekùlùò wù yẹ̀ dı̀ àà hana hùò? Wa cùùrẹ̀ mọ̀ wa cùùrı le guurpar rà sı wù ʔyaal jofıjı wù haa, a mı́ thımı̀r ra a haa sı a punu a pẹ̀ wòr.

Tibili woo tibil ná lon kaso rà sı do dabɔ̀ kẹ a n kɔ̀ cùùrı sopuu le yaa a kɔ̀ dinanı thın bɔ̀ ca dı̀kha cùùrı, dı̀ raa jofı yaa dı̀ kpıı jofı à kɔ̀ thera yẹ̀ dı̀ n do sopuua?. Dı̀khan wo wá khaann tibil yẹ̀ nùò ın jò ɛ jofı sonı wù hana ıntẹ̀ bɔ̀ kẹ sopuu ra kɔ̀rı cùù?.

#### Varpar 12

Tibil woo tibil a tẹ̀na wù ʔlò ɔ̀ thethẹ̀e yi rà, ɔ̀ còtoo rà, wù lon ɔ̀ cò? yaa wù kher ɔ̀ letẹ̀rẹ̀ wù hiinna? yaa wù ɖı́e wer nuua? yaa wù ɖı́ı sı kùe wù ırı, sı do hùò a harɔ̀? Tibil woo tibil tẹ̀nanẹ̀ jofı ra ın cẹ̀cẹ̀ wòr ʔlòrı rà nà ɖı́ır caar caar rà.

#### Varpar 13

Tibil woo tibil hanane hùò a naa kpaar ba?a sı a ʔyaal ɔ̀ toopa dı̀ ı̀khaa thınthiinn.

Tibil woo tibil hannanẹ̀ hùò a the dı̀ fẹ̀ù rà, ɔ̀ thethẹ̀e dùò a bọ harɔ̀?, a kpaar, sı a bur a cẹ̀r a ın.

#### Varpar 14

Bò kẹ̀ kpòori ı̀rı, tibil woo tibil hanane hùò à ʔyaal wanpar dı̀ wa faa wù dı̀ na gal dı̀ banwò.

A ná punu ná so ı̀nı hananẹ̀ hùò ʔlò ı̀nı fuu ı̀nı lon dı̀ kpıı rà sı sunbɔ̀r a cùùrẹ̀ sọpu kontinn a dı̀na tı̀bı̀la fẹ̀ù rà, yaa ɛ a cùùrı n guu Dı̀ sunɔ̀ kẹ kpanı gbẹ̀ùù kpı́ernɔ̀ rà sı a ha kpıı nà ɛ wù n turonı, dı̀ waan ʔyaal wù nake juuwei wù fua?.

#### Varpar 15

Tibil woo tibil hanane hùò a do dı̀daar.

Tibil woo tibil ná punu wù taa wòr ɔ̀ dı̀dadoa? yaa wù kùe hùò kẹ a hananı a dóna dı̀da kpııa?.

#### Varpar 16

Bò kẹ̀ kuunbir ra nà kherbir ra nàa valanı, wù hananẹ̀ hùò wù he kha wù kónkha bı́sana sı dá do caar, dı̀daduur yaa ıntẹ̀ hùkpapa dùunn nò a nyaarò nake gbea?. Wù tınenẹ̀ hùò a makha her rà na mọ her ra ná ɖùòrı a dana ɔ̀ kuurpa.

Her ra ná punu ná cùù sı ado ʔwedara kẹ ná henikha tunena haar fẹ̀ù sı do thıen a fı́r yea?.

Cùùr ra dùunn dı̀ fẹ̀ù rà thùò kẹ Thangba tini, a dona cẹ̀cẹ̀ thùò, sı a hana hùò, a tẹ̀na tı̀bı̀la la fẹ̀ù nà dı̀ ra fẹ̀ù ın bẹ̀r wòr.

#### Varpar 17

Tibil woo tibil, aa ha bı́el yaa wù jòòrẹ̀, a hananẹ̀ hùò a hana ɔ̀ konkonthıen.

Tibil woo tibil ná punu wù taa wòr ɔ̀ konkonthıean?.

#### Varpar 18

Tibil woo tibil hanane hùò a kpı́era thıen, a hana fı́lwe sı a kpa hùò kẹ pẹ̀rı haar, sı thıen ná fı́r wù?; dı̀ hù ı̀rẹ̀ ra n nı̀ròrẹ̀ a pununẹ̀ a fı́ a kpa hù kpıı sı thıen ná fı́r wù?; dı̀ dı̀khan wo dı̀ n nı̀ròrẹ̀ a hananẹ̀ hùò a ʔla nı̀rò gbẹ̀lengbelen ɔ̀ hù kẹ a kpanı yaa thıen kẹ a jı́rı, ado dı́bara a yaa wù bulle too, ado nake tee jò rà yı́ yaa dı̀khanpa yı́, dı̀ ther dı́rı rà, cùùrpa caar caar rà, fùùrı rà, nà hù?yı́r caar caar rà sı thıen ná fı́r wù?.

## Varpar 19

Tibil woo tibil hanane huɔ a päl bɪnɛ sɪ a mu ɔɔ bɪnthɪmɪ sɪ thɪɛn ná fɪ wɔa?; dɪ n nɪrɔrɛ huɔ a harɔ dɪ wa tuu maar bɔnɔ dɪ do ɔɔ kpɪɛrnɔ nɔɔa?; dɪ dɪ n ka nɪrɔrɛ huɔ harɔrɛ dɪ na ʔyaal a na fɪ thɪn nɪrɔrɪ kpɪɛrnɔɔ kɛ haanɪ yɔɔ sɪ a na gba ɛ a pununi a na mɪna dɪ wa nɪɛ dɪ sunɔ na fɛv sɪ leeri ná harɔ nake gbea?.

## Varpar 20

Tibil woo tibil hanane huɔ a gbɛvɔkha ná tɪbɪla sɪ a ha gbuluni na kaanke haarʔyii hanɪ, sɪ thɪɛn ná fɪr wɔa?.

Tibil woo tibil ná punu wɔ fɪr wɔ wɔ pɛ gbuluni naa?.

## Varpar 21

Tibil woo tibil hanane huɔ ɔɔ thethɛ yaa a ti tibil ɔɔ irir rà wɔ bulkha ná ɔɔ dɪda wɔ juur thɪɛn kɛ hanɪ le ɔɔ duɔ sɪ thɪɛn ná fɪr wɔa?.

Tibil woo tibil hanane huɔ a do thɔma biɛl thomadopar rà le ɔɔ duɔ ná tɪbɪla fɛv.

Thɔɔn kɛ dɪ raa too nanɪ duɔnn ɛɛɛ thɪɛn n ʔbanɪ dɪhiindara jala dɪ wɔ n ʔli pununi. Thɔɔn kɛ ra wɔ nanɪ tɛɛnane dɪ the mɔ tɪbɪla fɛv phiirni, sɪ muɔlɪ ná harɔaʔ, dɪhiindara bɔɔ kɛ wɔ ʔlaanɪkha, kunkuuni ná harɔaʔ; dɪ wá nɪrɔ tibil un jɪ unte kɛ wɔ n phiirniaʔ yaa a ɔvɔ ɔvɔ ɔa dɪkha dɪ ho wɔ n firre tɪbɪlaʔ phiirpar ràa?.

## Varpar 22

Tibil woo tibil mɔ a hanɪ tɪbɪlaa thɪn thiinn, a hanane huɔ waan ber wɔthɪn puu náa daan thomadopar ràaʔ; wɔ tiire a thɪnn a haa huɔ dɪ da wɔr a jɪ lenlen thɪɛn a naa fɪ, a hana berrɪ thɪn puu rà le thomadopar rà, gbɛvɔkha ná ɛ wɔ hananɪkha jɪr biɛl; ɛr tɛɛna dɪ dɪfɪ wɔ dɪ ɔvɔ wɔ a kɔhɔ baʔa dɪ do buɔ kɛ ra dɪ ra n doni, na mɔ dɪ sunɔ na bulnɪkha a do nɔbiɛ duɔnn nɔɔ; dɪ da the mɔ dɪ duɔnn n gbɛɛnsɪnɪ ɔɔ thethɛ ná lenlen thɪɛn kɛ a hananɪ.

## Varpar 23

Tibil woo tibil hanane huɔ a do thɔma, a ʔyaal thɔma kɛ a nanɪ sɪ thɪɛ ná fɪr wɔaʔ, a hana nobɔr a makhana ɛ thɔma ʔyaalɪ là dɪ da wɔr sɪ wɔ jɪl wɔr a hana thɔma a naa do.

ɛr fɛv hanane huɔ wɔ ʔli ʔlɔmɪnɪ wɔ makha na mɔ wɔ n doni thɔma a makha sɪ dānbāl wer ná harɔ nake sɪ do gbe dɪ haaʔ.

Tibil woo tibil kɛ n doni thɔma, a hanane huɔ ado da punune wɔ ʔ wɔ hu kpɪi puuwe náa daan thɔma dopar rà, a ʔli ʔlɔmɪnɪ a dɪ bɔrɔkha dɪ tɪɛ ná ɔɔ ɔɔtoɔ, dɪkhan a dɪfɪrɔ, ɔɔ teedo ra naa gaala wɔ ʔyekulɔɔ.

Tibil woo tibil hanane huɔ a gbɛvɔkha ná ɛkha wɔ kur sintika sɪ a makha ná sintika ɛkha waan hiinn ɔɔ hu kaanke a n doni thɔma.

## Varpar 24

Tibil woo tibil hanane huɔ a hiir sɪ a hana bɔɔ a thana jɪɛ sɪ nake wɔ wur bɔɔ rà ɔɔ thɔma do liɛr sɪ wɔ ʔlɔmɪ wɔ bɔɔ kɛ a gbamɪ konje.

## Varpar 25

Tibil woo tibil hanane huɔ a ʔli ʔlɔmɪnɪ kɛ bɔrɔnɪkha a punu a tonbi bɔɔ kɛ dɪ sɪ wɔrnɪ, a berna yɔv sɪ a naa hiina ɔɔ ɔɔtoɔ nake wɔ thɪɛn waan kɔhɔ, waan to, wɔ yɪ ɔɔpar rà, wɔ gal dɔtɔrɔɔvɔr wɔ hiinn mɛ a hana huɔ wɔ bul wɔ mɔ tɛɛnanɪ thɪlciir ná ʔlii le thomadopar a hanane huɔ wɔ jɪl wɔr a ná kɔ buɔ bɔɔ kɛ aà n doni thɔmaaʔ thɔma kɔvɛnɛ wɔaʔ, a ná kɔ buɔ bɔɔ kɛ dɪ n khuuniaʔ, bɔɔ kɛ aà pununi baanʔ, bɔɔ kɛ a doni khikheraʔ yaa bɔɔ kɛ ɔɔ kher ʔ tɪn buɔaʔ yaa bɔ ɔkha rà mɔ aà hananɪ thɪɛn a tena ɔɔ thethɛaʔ da doni ɔɔ jɪ sɪ a ɔvɔ yɪaʔ.

Kher kɛ konɪ bi ná bɪsaann kɛ a khɔnɪ ɪaʔ hanane huɔ wɔ bul yɛ sar sɪ wɔ tɛ yɛ tɛ sar. Bɪsana na fɛv n hanane ɛɛrɪ a thomadopar rà ado nake ɛɛ thɪ ná ɛɛ nɪ herkha sɪ a kon yɛ yaa ʔwɛdaarɪ rà wɔ kon yɛ.

## Varpar 26

Tibil woo tibil hanane huɔ a gal nakol a ʔli dɪrɪ. A tɛɛnane dɪ do pɛɛ wɔ dɪr wɔ. Bɪsan yɪra kɛɛ nakol wer nake ná ɛɛɛ dɪrɪ a tɛɛna wɔ ʔlɔ waraʔ. Bɪsana na a tɛɛna wɔ faa yɛ ɔvɔr sɪ do wa n gal nakolaʔ, dɪ fanga thɪɛn. Dɪrɪ kaanke wɔ n dɪrɪnɪ thɔmaduɪr ná dɪrɪ kɛ ra n ʔ thɔma, tɛɛnane dɪ thɔ tɪbɪla fɛv dɪ can; nakolɔɔ kontin luunn tɛɛnanɪ tɪbɪla fɛv un ʔlaa wɔ ʔluru wɔ makha mɔ unte tɛɛna yɛnɪ.

Dɪrɪ ra tɛɛnane dɪ tɔ teeduɪr daan pɛrrɛ, daan gaala ʔyekulɔɔ sɪ dɪ ɔvɔ guurɪ kɛ wɔ n guuranɪ Tibilii hu ná mɔ kɛ ɛɛɛ rà thɪɛn à firɪnɪ tibil dɪ n do deeaʔ, un tɪ. Dɪrɪ ra tɛɛnane a gbɛv tɪbɪla waan nɪ boboi; ʔyɛɛkha ná kuuni dɪ sunɔ naa thɪn thiinn, teebira raa thɪ yaa dabulo sunɔ naa thɪn thiinn yaa huɔ kɛ unte kpanɪ, un yɔɔ; sɪ wo dɪrɪ tɛɛnane dɪ ɔvɔ, Dɪ sunɔ kɛ ra kpanɪ gbɛv dɪ wɔ n ʔyaal haarʔyii un hana, ɛɛ thɔma kɛ wɔ n doni naa ʔli bääni.

Thɪrɛ ná nɪrɛ sunɔ na duɔnn ɛɛɛ tɪbɪla kɛ hananɪ huɔ wɔ ti dɪr ɔar kɛ n gbɛɛnsɪnɪ ɛɛ bɪsan sunɔ waan dɪra yɛ.

## Varpar 27

Tibil woo tibil hanane huɔ, sɪ thien ná fir wɔa?, a gbɛukha nà ɛ a toonanikha pa biɛl waan cuukha ca thien; a hanane huɔ a yɪɔ defiri ɛ rà wɔ jini di wɔ n cuɔ, wɔ bulkha jɪr ra in khon daan gal ʔyekulɔ sɪ wɔ tɪnekha defiri kɛ wa ʔlini.

Tibila fɛu hanane huɔ wɔ cɛɛ yɛr wɔ ʔli defiri, wá gba yɛ filwɛ nà thie kɛ wɔ tini di the ɛɛ jɪr fɛu kɛ rà wɔ hanani yaa sebehini na nà nyir rà nà thien kɛ wɔ jini di wɔ n cuɔa?.

Varpar 28

Tibil woo tibil hanane huɔ le ɔɔ duɔ nà di kpɪi rà , a pɪɛr nyanyaani daaan?; mɛ da ha sɪ tibɪlaa hu kɛ wɔ hanani na mɔ deeduur pɪni, soni kɪɛr Nɪrɔri kɛ rà , in punu di hana fanga mɔ tɛɛnani.

Varpar 29

Tibil hanane ɛ tɛɛnani a cuɔ dapa kɛ a tooni; thien kɛ pununi di cuɔ dapa rà a tooni ha mɔ ɔɔ teedo nàa nyɪrni tibila fɛu ʔyekulɔ na mɔ thien ná fir wɔɪa?.

Mɔ intɛ nàa ɪrni ɔɔ hu rà, da doni thien ha le di n fir wɔa?, aà tɛɛna a cuɔ thien a kaansina jɔfi raa?; jɔfi ra n sor ʔbilami aa haann in to diɛa ɔɔ ɔlonkha a náa saa nɔɔa?, a náa fir wɔ sɪ a muɔl wɔa? yaa a dānbāla?. Di jɔfi ra n ʔyaale di do kaanke di raa too hanani pununi wɔ n phiirna dihiindara, thien in yɔɔ, tibila in hana cuɔpa bɔ tɛɛnani, wá ʔyaal nyanyaani in lɔna tibɪlaa thɪnthiina? sɪ wa ka ná na bɔcuɔri tibila fɛu rà.

Huɔ kɛ ra tibila hanani na mɔ thien à n fir yɛɪa? ná punu ná do yɛ, ha nake gbe, sɪ ado mɔ kɛ Di sunɔ kɛ kpani gbɛu n kpɪɛrni sɪ a pɛ haar di hana yɪa?.

Varpar 30

Tibil náa punu fi jɔfi biɛl nake kɪɛr Nɪrɔri kɛ rà, a di ha mɔ nake, sɪ a di ho hu diɪkha ʔlaare, a ha gbuluni yaa tibil biɛl, a gbuu yɔu thɪn di cuɔri rà yaa a naa cuɔ thɪn puu kɛ n ʔyaalni di nyanyaann tibilii hu kɛ a hanani na mɔ thien à n fir wɔɪa?, soni le Nɪrɔri rà raa?.